



---

Vogošća, ul. Jošanička, br. 80; tel: 00387 33 586 413, fax: 586 418

Broj: 09-37-1019/20  
Vogošća, 06.07.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 06.07.2020. godine donio je

**ODLUKU**  
**O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI SPOMEN**  
**OBILJEŽJA I REKONSTRUKCIJI POSTOJEĆIH SPOMEN OBILJEŽJA ŠEHIDIMA I POGINULIM**  
**BORCIMA**

**Član 1.**

Ponuda ponuđača "Sela" d.o.o. Sarajevo, ulica Rajlovačka cesta broj 31. Sarajevo, odabrana je za izvođenje radova na izgradnji spomen obilježja i rekonstrukciji postojećih spomen obilježja šehidima i poginulim borcima, kao prvoplasirana na Rang listi, sa ponuđenom ukupnom cijenom nabavke u iznosu od 95.898,56 KM bez uračunatog PDV-a, odnosno 112.201,32 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 12.06.2020. godine donio Odluku o pokretanju Otvorenog postupka nabavke radova na izgradnji spomen obilježja i rekonstrukciji postojećih spomen obilježja šehidima i poginulim borcima, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.06.2020. godine pod brojem: 1353-1-3-103-3-88/20.

Sažetak Obavještenja o nabavci objavljen je u "Službenom glasniku BiH" broj: 35/20 od 19.06.2020. godine.

Tendersku dokumentaciju sa Portala javnih nabavki BiH je preuzelo 19 (devetnaest) ponuđača. Krajnji rok za dostavu ponuda bio je 02.07.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 02.07.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 09-37-1019/20 iz juna 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Džekos" d.o.o. Sarajevo	115.209,26	/	/	134.794,83
2	"Winner project" d.o.o. Sarajevo	101.690,04	2%	99.656,24	116.597,80
3	"Sela" d.o.o. Sarajevo	95.898,56	/	/	112.201,32

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Winner project" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD je od ponuđača zahtjevano da moraju posjedovati-imati na raspolaganju građevinske mašine i tehničku opremu neophodne za uspješno izvođenje predmetnih radova i to između ostalog da popnuđači imaju na raspolaganju i 1 (jedan) kamion sandučar-kiper.

Tačkom 7.4.2. pod b) TD je od ponuđača zahtjevano da kao dokaz za 1 (jedan) kamion (sandučar-kiper) iz tačke 7.4.1. pod b) stavka 1. dostave važeću saobraćajnu dozvolu/potvrdu o registraciji, uz napomenu da dokazi koji se dostavljaju moraju biti originali ili ovjerene kopije.

Ponuđač "Winner project" d.o.o. Sarajevo je u svojoj Ponudi (strana 59. Ponude) dostavio Potvrdu o registraciji za teretno vozilo Man-samoistovarivač/kiper.

Komisija za javne nabavke smatra da dostavljena obična kopija Potvrde o registraciji za teretno vozilo Man-samoistovarivač/kiper ne zadovoljava jasno postavljene uslove propisane tačkom 7.4.2. TD-Napomena I, a kojom je nedvosmisleno zahtjevano da dokazi koji se dostavljaju moraju biti originali ili ovjerene kopije.

- Tačkom 7.4.1. pod b) TD je od ponuđača zahtjevano da moraju posjedovati-imati na raspolaganju građevinske mašine i tehničku opremu neophodne za uspješno izvođenje predmetnih radova i to između ostalog da popnuđači imaju na raspolaganju i 1 (jedan) rovokopač.

Tačkom 7.4.2. pod b) TD je od ponuđača zahtjevano da kao dokaz za 1 (jedan) rovokopač iz tačke 7.4.1. pod b) stavka 2. dostave važeću saobraćajnu dozvolu/potvrdu o registraciji ili važeću upotrebnu dozvolu uz napomenu da dokazi koji se dostavljaju moraju biti originali ili ovjerene kopije.

Ponuđač "Winner project" d.o.o. Sarajevo je u svojoj Ponudi (strana 62. Ponude) dostavio Upotrebnu dozvolu broj: EZ-M-243-1/17 od 16.11.2017. godine, za mini bager gusjeničara, vlasnika "Geomax" d.o.o. Tešanj.

Komisija za javne nabavke smatra da dostavljena obična kopija Upotrebne dozvole broj: EZ-M-243-1/17 od 16.11.2017. godine ne zadovoljava jasno postavljene uslove propisane tačkom 7.4.2. TD-Napomena I, a kojom je nedvosmisleno zahtjevano da dokazi koji se dostavljaju moraju biti originali ili ovjerene kopije.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Džekos" d.o.o. Sarajevo i

- "Sela" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 06.07.2020. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 06.07.2020. godine, Komisija za javne nabavke je sačinila sljedeću Rang listu u Otvorenom postupku nabavke radova na izgradnji spomen obilježja i rekonstrukciji postojećih spomen obilježja šehidima i poginulim borcima kako slijedi:

<b>R.B.</b>	<b>NAZIV PONUĐAČA</b>	<b>UKUPNA CIJENA (KM) bez PDV-a</b>	<b>UKUPNA CIJENA (KM) sa PDV-om</b>
<b>1</b>	"Sela" d.o.o. Sarajevo	95.898,56	112.201,32
<b>2</b>	"Džekos" d.o.o. Sarajevo	115.209,26	134.794,83

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Sela" d.o.o. Sarajevo, za izvođenje radova na izgradnji spomen obilježja i rekonstrukciji postojećih spomen obilježja šehidima i poginulim borcima, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 95.898,56 KM bez uračunatog PDV-a, odnosno 112.201,32 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Mahira Čolić



Kontrolisala: Melisa Kršo



Dostavljeno:

1. "Džekos" d.o.o. Sarajevo
2. "Winner project" d.o.o. Sarajevo
3. "Sela" d.o.o. Sarajevo
4. Nadležnoj Službi
5. U dosije
6. a/a

033/766-061

033/546-492

033/592-005



OPĆINSKI NAČELNIK

Edin Smajić